



Tir Pranab Mukherjee-i GST indang bill pezü agizükogo

US nung mezüng Muslim tsür judge süogo

METETDAKTSÜR

Alima meimchirtem temenen nungi kümzüksü asoshi Yisu Khrista asüba anogo bilemteta amongba 'Good Friday' anogo nung sarasadema amongtsü asoshi Tir Yimyim office tanü April 14, 2017 nü shibanger, anungji April 15, 2017 Tir Yimyim adok malitsü. - *Ketdangser, Tir Yimyim.*

April 15 nü sodi anogo asütsü

Kohima, April 13 (TYO): Nagaland Angh, PB Acharya-i Nagaland nung sorkar office ajak atema April 15, 2017 nüji sodi anogo asütsü, kechiyong iba anogo ya Easter Saturday lir, ta metetdaksü.

Instrument Act, 1881 (Act. XXVI) section-3 nung ajemdaker Nagaland Angh-isa April 15, 2017 nü ya Easter Saturday anogomung asübayong Nagaland nung Public Holiday asütsü, ta metetdaksü.

Iba dak alia Negotiable

Angh-i Easter salem abener

Dimapur, April 13 (TYO): Nagaland aser Arunachal Pradesh Angh, P. B Acharya-i state nübortem dang Easter salem lemsateper, ta Raj Bhavan sangdong ka nung metetdaksü.

aruba anogo ajanga ajaki yimjung, tesünep aser adianu temeimtep atema inyaksüla, ta ayongzük.

Paisa nübortem dang state nung yimjung alitsü atema sarasademdaksüner ta mepishia metetdaksü.

"Easter benjungmung ajanga asenok ajak dak temeim aser taitoktepba tanela lidakjangma," ta state Angh, Acharya-isa sangdong nung shia lir.

Zubza merüka ayutsü mapa tenzüker

Dimapur, April 13 (TYO): Lokti nung temelenshi atema inyaker, Niketu Iralu-i, senso shia asen aliba temeket tesemtem merüka ayutsüla, ta metetdaksü.

tayongzükbatem amatoker sadoksadoka alir. Asenok ajak khuret abenba senso kaka kümdi aser terenlok kadi," ta paisa ayongzük.

Brihostibarnü Sechü Zubza Youth Organisation indang "Year of sanitation & plantation" sentong tenzüksüdang Iralu-i asen aliba lima wazüka ayutsü ayongzük.

"Nai tangar nem tajungtiba agüjang, ibaji ajanga tangaria parnok tajungtibaji nü nem agütsütsü. Ibaji mesüka asenoki asen aliba alima nem tajungtiba agütsüdi," ta paisa ashi.

"Asen aliba lima aneptsütsü aser topor junga kümdaktsüba dak alaka loktiliba, yimtenren aser rongsenkettsüng tebilemtsü tuluba mali. Anungji loktiliba, yimtenren aser rongsenkettsüng tebilemtsütem dang nungibo asenoki asen aliba temeketji tongtibatiba südaksütsüla," ta Iralu-i ashi.

SZYO-i alima tzü-mopung kümzüka ayutsü atema inyakbaji ajanga tangaria tatishitsü tajung agitsü imlar, ta paisa ashi.

Pa ya Centre for North East Studies & Policy Research, Guwahati & New Delhi nunga züngsem ka lir.

Okila jembidang SZYO Tir, Viketouzo Meyase-i, iba sentong ya Sechü Zubza yim ya temerük akumtsü aser süngdonglidong jenti aliba yim ka kümdaktsütsü nükjidong nung inyaker, ta metetdaksü.

"Alima tzü-mopung tebilemtsü onüktem ya alima rangben atema tebilemtsü ka kümogo. Alima meimchirtemi Tsüngremi yangluba lima raksatsüra ibajibo tamachi mapa ka asutsü. Anungji asenok nisung shia asen aliba alima anepaluba nung shilem tajung agitsüla," ta Niketu-i ashi.

"Iba omen kübok onoki ayong, ayongnutem aser riju balala densema yim telongtet ajak merüktetsü," ta paisa metetdaksü.

SZYO-i 'sanitation and plantation year' ayongzükba atema pai lanurtem nem tenüngsang agütsü.

"Tanü nungi tenzüka iba yimtsüng nung alirtem aser yim ajanga senzür shingaia yimtsüng nung jana meintoktsü," ta pai ashi.

"Tesem apira, Sechü Zubza-i maongka aika agitettsü, aser asenok nem agütsüba maongka ajakji asenoki tajungtiba nung agitsüla. Khenkhenbo asenoki asen jakdang aliba

Sechü Zubza yim merüktetsü ya mapa kanga tasak ka asütsü, kechiyong iba yim ya National Highway 29 nung lir, ta paisa shisem.

Iba senong tembangba sülen tongti tejaoker, Iralu-i jana intokba khang ka azüngtsü aser süngdong ka temja liasü. Kasa sentong nung SDO Civil, PHC medical officer aser Sechü Zubza police station OC nungeria süngdong kaka temja liasü.

Nagaland ya süngdonglidong agi sünga kümdaktsütsü jembiba



Nagaland Environment, Forest & Climate Change department nung inyaker ketdangsertem den parnok minister Wb. Imkong L. Imchen-i jembiba noksa nung angur. Kohima, April 13, 2017.

Kohima, Apr 13 (TYO) : Nagaland ya süngdonglidong agi sünga aliba lima 'green field' ka kümdaktsütsüsa asenoki meranga inyakdi ta Environment, Forests aser Climate Change minister, Wb. Imkong L. Imcheni tanü par department nung inyakerkem den jembidang metetdaksü.

"Department nung ozüing aser inyakyim yangluba ajunga ya nübortem yaritsü asoshi yanglubatem lir, anungji government tenzükeritemi kechisüdürsüka nübortem tenzüka mapa nung shitak inyaksüla," ta paisa ashi.

Wb.Imkong Imchen ya tawa Dr.Shurhodelie chief minister akümba mapang kilonsertem menden asetshitepdang kilonser asütsü asoshi shim aser pa kilonser kümer külen mezüng par department nung tongti ketdangpurtem den tanü shisalemsatepba senden ka menogo.

"Ni nenok ajaki mapa koka inyaksü imlar aser mapa nung tamakok aludaktsürtem asoshibo

temerenshi lateta lir, ta paisa ashi. Paisa department nung inyaker ketdangsertem dang Japan International Cooperation Agency (JICA) nungi yokba sen crore 533 amshia Nagaland ya süngdonglidong agi sünga kümdaktsütsüsa inyaksü ajungshi.

Iba kasa senden nung Assistant Principal Chief Conservator of Forest, Dharmendra-i ashiba agi, Environment, Forests & Climate Change department o Japan International Cooperation Agency (JICA) na tsüngda Nagaland nung JICA nungi aputsüba sen amshia küm ter nung arem wazüka ayuba sentongtem inyaksü terenemba lir.

Iba sen crore 533 nungi JICA nungi sen crore 389 agütsütsü aser state government-i 'administrative cost' atema sen crore 144 agütsütsü.

Iba sentong ya yakta tenzüksü aser iba sentong ya ajanga tekong lu ayimba ajanga arem samadaksüba

anendaktsütsü aser tekong lu ayimba melena pei taküm nüngdak angutsüsa sentong kar atongteta inyaksü.

Iba sentong tenzüka inyaksü atema dictrict shia nungi tekong anana shimtetsü aser item tesemtem nungji süngdong atemba yimya tapu pongo amshia inyaksü.

Iba sentong ya pezübenren nung tema inyaksü aser mezüngren nung yimtsüng 30 shimtetsü aser tanaben aser tasembenren nung yimtsüng rokerer shimtetsü aser tesüsa pezübubaren nung yimtsüng 35 shimtetsü ta APCCF-isa ashi.

Ano, tekong aser yimtsüngtemjibo meshimtet saka yimtsüng shia Self Help Group tenzüka inyakdaksütsü asoshi inyakyim kar latetdagi ta paisa ashi.

Principal Secretary, Environment, Forests & Climate Change, L. Kire-i iba sentong nung adenerkem dang tajungshi o ashi aser PCCF Wb. I. Panger Jamir menden liasü.

Nübortem nem ozüing aser pei temeten angatetdaksütsüla

Kohima, April 13 (TYO) : Senso shia atema obendangdak ochi obendang angutsü tim, anungji nübortem nem temzüng ozüing nung aliba temeten angatetdaksütsüla ta Gauhati High Court nung obendanger, Justice L S Jamir-i metetdaksü.

Obendangdak ken o benoka jembitsütsüba jenjang ya kanga tasak aser nübortem pei temeten memetetba den sensaker aser makamaitertem atema okadak ken o benoka jembitsü atema teyari angati agütsütsüba onüktem ya ajak asoshi kanga süoki ia bilemtsüba mapatem lir ta All Nagaland Meet of District Legal Services Authorities sentong ka tanü yangi Kohima nung akadang, Obendanger L.S.Jamiri metetdaksü.

Atangji Nagaland nung mapang mapang shia telok balalai nübortem nem temzüng ozüing aser pei temeten indang angatetdaksünübayong mapang - mapang shia tesem balala nung 'legal aid camps' aser 'legal aid

clinics' sentong ayongzüka nübortem nem tangatetba agütsütsü merangaka, ano nübortem nem pei temeten angatetdaksütsüba mapang talangka agitsü ta paisa ashi.

Item sentongtemji agia aotsü atema Legal Services Authorities (LSA) tenteta lir aser parnoki loktiliba nung makamaitertem nem obendangdak ken o benoka jembiba nung teyari angati agütsür. Ano, memenui nübortem nem ochi obendang agütsütetsü nükjidong nung Lok Adalat tenteta lir.

Aiben okatsür taintemi sensakertem angati yaria obendangdak ken o mebushitsüner, ibajagi makamaitertemba aibenochi obendang mangur ta L.S.Jamirisa metetdaksü.

Nagaland nung Justice & Law department nung tezülur Kharinla T. Koza-ia kasa sentong nung jembidang, linük temzüng arla 36 aser 39(A) nung senso shia nem kasasa ochi obendang agütsütsü shia lir aser iba jagi ochi obendang aser maongka kasasa

agütsütsü temeten agüja lir ta jangjar ta metetdaksü.

"Asenok ya loktiliba nung kanga sensakertem tenzüker ama bilema inyaksüsa kümogo, parnoki rongsen nung dang masü saka temetetba nunga kecha mali," ta laisa ashi.

Anungji, LSA mapaji angati okadak nübortem yaritsüba mapaji kisüng masü saka nübortem nem temzüng ozüing agütsüba temeten jungjunga angatetdaksütsüla ta laisa metetdaksü.

Obendangba maparen nung inyaker ajak ya tangar dang nungi balaka maongka angubatem lir, anungji parnokji parnok mapa inyakbaji kisüng masü saka timtema alir aser mangatetba purtem pei mapa aser temeten indang angatetdakja angati yariba ajanga ochi obendang angutsüsa tangatetba agüja yaritsüla ta laisa metetdaksü.

Iba sentong nung onük tapu aika benoka shisalemsatepba mapang liasü.

Mon nung Digital payment atema workshop ka agiogo



April 13, 2017 nü Mon Deputy Commissioner Conference Hall nung Digital Cashless Payment Awareness Workshop agidang tangokba noksa nung angur.

Dimapur, April 13 (TYO): Brihostibarnü Mon Deputy Commissioner Conference Hall nung Digital/Cashless Payment Awareness indang workshop ka ayongzüka agiogo; iba sentong ya District Administration den National Informatics Centre, Mon-i senteper ayongzüka liasü.

District Informatics Officer, Mon, Ravi Ranjan Kumar-i, digital economy ya lokti nung temelenshi ka atema asenok ajak

asoshi maongka lir, ta ashi. Power point presentation ka agütsüdüng pai Prepaid Cards, Debit/RuPay cards, *99# service, Mobile wallets, BHIM App aser UPI App ama Digital Payment Modes ya kanga tongtibang, ta metetdaksü.

Paisa, ajaki transaction shia SMS angutsü atema bank tem nung mobile number register asutsüla, shinga dena PIN melemsateptsüla, Payment App amshiba sülen logout asutsüla

aser ATM nung transactions mapang shinga nema mereprangdaksütsüla, ta ashi. Iba sentong nungsa shilem agirtem atema 'Digital Payment' nung quiz liasü, aser takoker nem sempet agütsü.

Kasa sentong nung Kumar Raminikant, SDO (C) Mon Sadar, Ilika Zhimomi, SDO (C) Hq, DC office nung ketdangsertem, staff tem aser SBI Mon nungia züngsemtem dena liasü.

G&M Director-i Viphoma yimdak tzübo lapoktsü

Dimapur, April 13 (TYO): Geology & mining department, 'deep tube exploratory scheme' sentong kübok Viphoma yimtsüng nung 'deep tube well' ka yanglutsüogo.

Iba yimtsüng ya 'tzüyim level' nungi metre 1300 ajungketer lir. Department-i iba sentong District timba ka ayimjema inyakogo aser kasa sentong kübok Tseminyu nung taruba ita 'deep tube well' ka lapoktsütsü.

Viphoma yimdak 2017 April 12 nü geology & mining director Wenthang Rengma-i 'deep tube well' lapoktsü. Iba sentong nung pai o jembidang, tenem kolak nung aliba yimtsüng aser jila timba ka nung tzü agi anüingba aser nungdakba indang jembia.

Ali telung nung aliba tzü nungdakba aser iba ajanga lokti aser shishilembabaren nung

terenlok bener arutsüba nung koda shilem agir, iba indang pai jembia liasü. Linük tenem limatem rongnung Nagaland-a geology & mining kübok ali telung nung aliba tzü bushitetba aser iba sentong renloka aoba nung takok anguba pai shisem. Maneni pai iba tzübo ajanga ghonda shia tzü litre 3,000 atsütettsü, ta metetdaksü.

"Ghonda ka nung tzü litre 3,000 atsütettsüsa tesem aika nungbo mangur. Aji saka iba tesem nung onoki ngutetogo aser iba ya yimdaklirtem atema osang tajung lir. Yamala tesem ka bushitetba atema onok kanga pelar," ta paisa ashi.

Pai maneni tzü atsüba osettem mapang talangka amshitettsü asoshi, oset ketdangsertemi tetuyubatem jungjunga benschitsü asoshi ajungshi.

Wantang Rengma-i ano

yimdaklirtem osettem kar nung timtem adok nungbo department den indangindanga tongteptsü asoshi metetdaksü.

"Iba tzübo ajanga yimdaklir nungdakbatem peritsütsü aser mapang talangka amshia lokti nem teyari agütsütsü imlar," ta pai shisem.

Iba sentong Viphoma Baptist Church Pastor, Thepfuvi-U Peya-i sarasadema tenzük, iba sülen V.C.C. chairman N.Vithe-i lokti pelaa agizük. Geology & mining department nungi technical report Khikiya Kath-i agütsü.

Tepela anküp o Chatuo Mere-i jembia aser sentong tembanga Crcviphoma yimtsüng Pastor Pitoshe-i sarasadem. Iba sentong V.V.C. Secretary, Viziellhou Miachieo lenisüba kübok agia liasü.

CISTA-i süngo lu ayimertem senden ayongzük



Shillong, April 13 (Agencies): Confederation of Indian Small Tea Growers Association (CISTA)-i ayongzükba National Executive senden ka Umsing, Meghalaya nung April 8, 2017 nü amendang Nagaland Small Tea Growers' Association nungia tir Wb.Shami Angh-i anir mendenpurtem kar oa denogo.

Iba senden nung Ministry of Commerce & Industries, Govt. of India nungi Secretary arua dena liasü. Iba senden nung Organic süngo lu ayimtsü nungdakba indang tongtibangsa jembia liasü aser Nagaland nungi oa adenertemia Nagaland nung süngo lu ayimtsü asoshi ali tajung peria aliba indang metetdakja liasü.

Iba senden nungsa Govt of India nungi Commerce & Industries ministry Secretary-i tarutsü nung süngo lu ayimtsü asoshi senotsü teyari peria agütsütsü nangzük aser pepei state nung süngo lu ayimertemi State Tea Growers Association nung züngsem akümtsü nungdakba indang metetdakja liasü.

Mkg nung Aadhar Enrolment tenzüksü

Dimapur, April 13 (TYO): metetdaksü. Mokochung Deputy Sub Divisional Officer (C), Commissioner's Office-i Mokochung, T. Lemlila sangdong ka ajanga, Sangtam-i sangdong ka ajanga, Mokochung district Aadhaar enrollment ji Deputy lisopurtem atema Aadhaar Commissioner's Office nung enrollment April 17, 2017 nü office mapang nung agitsü, ta nungi tenzüksü, ta metetdaksü.

DMC-i senden ayonger

Dimapur, April 13 (TYO): tanü sangdong ka ajanga 'Housing for All' dak sentakba metetdaksü.

nung April 17, 2017 anüingdang Iba senden ya Municipal Affairs Department Kohima Nagaland ketdangsertem leniba nung agitsü, anungji colony DMC jurisdiction nung colony balala nungi Council GBs/ ajak nungi GBs/Chairmen Chairman ajak iba senden nung senden ka amentsü, ta Dimapur medema arua adentsü mepishia Municipal Council metetdaksür, ta sangdong Administrator, H. Atokhe Aye-i nungsa shia lir.

DPS Dimapur-i maneni konang bener aru



Dimapur, April 13 (TYO): nung densemogo. ASSET Talent Search ya Class VII nung azünger kaketshirtem dak sempet balala Kavieo Sono aser Elena Kamei bushitetba parnok den tepela nati 'commendation certificate of participation' nguogo. Tawa lemsateptsü nükjidong nung tembanga ASSET Talent Search 2016-17 sentong nung nem parnok sempet sayutsü ya India aser UAE linük nungi asoshi sabang agütsür aser kaketshir 10,000 dak temai tarutsü asoshi item sempettem shilem agi.

Kaketshirtem dak aliba tajungba küma arangshitsür. sempettem ajiteta, kaket Delhi Public School (DPS) shisatsü kisüng masü saka DPS Dimapur-i achaayanga sentong balala nung shilem agidaksüba ajanga kaketshirtem jangrabangra inyakdaksütsü asoshi state nung kisüng masü aser ibaji ajanga la ya "League of ASSET Talent Scholars" saka national level tashi nung shilem agitsü maongka agütsür.

Kohima nung IGNOU convocation kaogo

Dimapur, April 13 (TYO): atema joko shisaliok ya lenmang ka masü saka kanga kera 30buba Indira Gandhi National Open University Regional Centre Kohima convocation ka masü saka kanga kera melenshiba lima nung shisaliok ka masü saka kanga kera melenshiba lima nung shisaliok ya nungdak kümogo.

April 13, 2017 nü Modern College, Kohima nung kaogo, Kaketshirtem ajungmesotsüji iba sentong nung Commissioner tesayurtem kija khuret masü, Secretary, IT & saka takok angutsü atema Communication, K.D Vizo tesayurtem, kaketshirtem aser tetushi tejaoker liasü. tsuraburtemi longjemer inyaktsüla, ta paisa metetdaksü.

Iba sentong nung jembidang Kaketshirtemi pei teinyaktsü Vizo-i IGNOU nungi degree mapa memetetra tsuraburtem aser diploma balala nung takok aser institution kijai nendaka angur candidates ajak nem inyakbaji tagidak maka, ta paisa tenüngsang agütsü. shisem.

Candidates nem tenüngsang Regional Director, IGNOU, agütsüdüng pai iba university-i Dr. T. Iralu-i report ka agütsü talang nungi shisaliok agütsüba aser Section Officer, IGNOU inyakyim atema tenüngsang Kohima, R.V. Tetso-i tepela agütsü. anküp o jembia liasü.

Tanü putu nung Information Asst. Professor, Department technology ya kanga tongtibang of Education, Modern College, ta shia Vizo-i shisashir ajak Deepali Thapa-i lokti pelaa dang tan inyakyim nung ibaji agizük aser sentong nung benschitsü ayongzük. Arenchenla-i temeja ken ka tena shilem agia liasü.

Pai ashiba agi, takok angutsü

14 April, 2017 anogo nung
Babasaheb Dr. B.R. Ambedkar
 asoba anogomong,

Samrasta Divas

bilemteta linük ajungai akhümtsübo agütsür.



- ❖ **BHIM Aadhar' App'**- Shishilembartem asoshi Nagpur nung Ato Kilonseri "BHIM Aadhar'App' tenzüksütsü.
- ❖ **Panchtirtha**- Dr. Ambedkar taküm aser tangazükbatem nüngtem nung linük nung tongtibang tesem pongu wazüka ayutsü.
- ❖ **125buba Tasoba Anogomung**- 2015-16 küm iba benjungmong ya United Nation aser linük 183 nung among.
- ❖ **New Institutions**- 15 Janpath, New Delhi nung Dr. Ambedkar International Centre aser 26 Alipur Road, Delhi nung "Dr. Ambedkar Memorial"
- ❖ **Constitution Day**- 2015 küm nungi tenzüka Dr. Ambedkar nem akhüm agüja November 26 anogo nung Constitution Day amonger.
- ❖ **Railway Station**- Mhow railway station ya 'B.R Ambedkar railway station' ta tenüng melentsü.
- ❖ **Postal Stamp/Coins**- Dr. Ambedkar bilemteta postal stamp aser senjang 10 aser 125 saya.
- ❖ **Dr. Ambedkar Chair**- Dr. Ambedkar tangatbatem prokshidaktsüsü nükjidong nung Central/State University 21 nung Dr. Ambedkar Chairs amenok.



Department of Social Justice and Empowerment
Ministry of Social Justice and Empowerment

Government of India
www.socialjustice.nic.in

Follow us on





TIR YIMYIM YIMOBILEM (EDITORIAL)

DIMAPUR FRIDAY, APRIL 14, 2017

KECHIBA YIHUDA ISKARIOT SHIMTET ?

Tanü ama asenok menen alangzüksü asoshi Yisu asüba anogo bilemteta amongdang, Yisu den anogo shia jajaba nütsüing Yihuda Iskariot indang mejembang mesüidaksür. Yisu nütsüing terana rongnung senyurji pa liasü. Ajisüaka, tesüingmangtsü aser tanü tashi nisungi angatettsü makokbaji Yihuda Iskariot ya Yisu nütsüing süaka paji Yisu Khristaji pei kibur aser kümtetdak ta agizüka amangba tamanger ka masü asü. Pa Yisu sülen anidakyonga pa tanüla jenjangbo kenyongi meküzmüki dang liasü. Aji oda, kechiba Pa dak mamanger ka Yisui pa nütsüing asütsü shim aser pa nemang telok meyong senotsü ketdangtsütsü mapa lemsütsü (?) ta aiben asenoki bilemer. Yohan tapu 13 tekong 10 nung pai nütsüingtem den jembidang, 'nenok ajakbo tanüla taküm merükteta mali,' ta ashiba angutsü. Tetezü, nütsüingtem rongnung Yihuda Iskariot-bo tanüla taküm memerükteta liasü. Aji oda, Yohan tapu 12: 6 nungbo Yihuda Iskariot ya auer liasü ta indangindanga shia angur. Ibaji angatettsü tasak. Yihuda Iskariot-i par tesayur Yisu Khrista nem tangari sen aika alangba senti totsü mezütsübjaja teindok amai bilem, anungji pai iba totzü jagi sen kümer sensaker nem lemstüang tajungba asütsü ta ashi. Ajisüaka, Yisui dang masü saka pa medemertem rongnunga pa jaklaji meteta liasü, anungji parnokkia pai yamaji ashibaji shitakba sensaker meimba agi masü saka pai iba senji amshinüba agi auer mulungsentsü dener jembir ta ashiba iba lai tekong nungji jangjajangjaa shia angur. Tanü asenok jakla aser mulungjang den Yihuda Iskariot-i par kibur aser medemertem dang nungi senotsü miimzüka agitsü bilemba shisatsüji medemdangra asenoka kecha balaka masü ta jangjajangjaa asenok taküm tanü dangtsü nung angutsü. Iba ama memeshi memerükteta nisung, auer ka kechiba Yisui shim (?) aser paia kechiba Yisu sülen anidak ta bilemdangdang, atangji telangzüba mangur. Ajisüaka, ashiko Yihuda nungertemi bilemba ama Yisu Khrista alimai arubaji Rom yimli makdoker Israel nunger nem alima nüchiso yimli ka agütsütsü asoshi aru tabo Yihuda Iskariot-i amanga alitsüa akok. Aji oda, aiben Yisu nütsüingtem rongnunga kodang Israel nungertemi yimsü asütsüsa yimli ka arudir, iba yimli nungji shiba tuluba asütsü ta tuluba aser temaba asütsü rakteper amai jembitepa liasü. Idangji, temetet Yihuda Iskariot-ia shilem agir alitsü aser pa mulungjang nunga kodang Israel yimlaji arudir, pa nema tongtibang menden ka lemsütsütsü ta imlaa alitsüa akok. Aji oda, Yisui Tsüingrem chir ta amangba agi masü saka paji alima chuba ka ama bilema Pa yimsüsüba kübok senotsüa ajangzüksüsa yimsüsüba menden tajung kabo angutsü ta bilemba teimla nung Yihuda Iskariot-i Yisu sülen anidaker südi. Ajisüaka, kodang Yihuda nungertemi Yisu tepsettsü renemba metet aser Yisui iba lima yimli asoshi masü saka tarutsü kotak yimli asoshi dang jembi, iba jagi Yihuda Iskariot teimla sama aser Pai pa kibuba ashiochtsütsü mulungtet asütsü. Tanü ama Good Friday amongdang Pa nütsüing Yihuda Iskariot-iang Yisu ashiochtsübjaji kechiba (?) ta asenok mulungjang nung tasüngdangba aiter. Kenü anogo, British nunger pastor, Joseph Parker dang nisung kati, "kechiba Yisui Yihuda Iskariot ya Pa nütsüing asütsü shimtet ?" ta asüngdang. Idangji pai kanga junga bilemdang saka iba tasüngdangbaji pai melangzütet. Ajisüaka, idangji pa mulung animesüingzükttetsüsa tasüngdangba ka pa mulungjaji arubajibo, 'kechiba Yisui ni shimtet ?' ta asüba tasüngdangba liasü. Iba tasüngdangba jagi pastor Joseph Parker mulung animesüingzükttet. Asenok tesempatsü aketba temenen nisung. Asenoki meinyakdangba mapa tamajung aikabo malitsü. Ajisüaka, Yisu asüba taochi ajanga asenok küzmük aser Pai asenok pa nütsüing aser Par medemer asütsü shimtet. Pastor Parker-i pasasa asüngdangba amaji, Kechiba Pai ni shimtet ? Ibaji asenoki mangatettsüa akok ! Ajisüaka, asenoki metet Pa taohiji asenok menen dang nungi taoba, tesüingmangtsü temeim, iba temeim jagi asenok küzmük . Rom 5:8 nung ashir, asenok temenen nung alidang, Yisu asenok asoshi asü aser iba temeim jagi asenok küzmük.

OLEMSABANG

Tenükmeremji lep ama taochi maka

-L.Kika Pongener, Aoyimkü,Dimapur.

Solomon Ken - 8:6. "Tenükmeremji lep ama taochi maka". Kodang nisung mimchir ka süadokdir leper nung bener oa rema toktsür, aser kodang tasü mang leper nung rema-dokdir lep nungjaji tanaben taküm meyipa shilangba anung kübok alima nung otsü angashia jembia maru. Aji oda, iba lep ongken nungji shirsa inoktsüdir kecha taochi makai meyokadoker. Yamaji tenükmeremji lep ama taochi maka ta shisa taka Solomon-i ken atembaji kanga dang shidak ta asenok-ia agizüker. Adam-er kibong nung adianu ana Kain aser Abel, ka sannüker aser ka aluyimer liasü, Kibuba Tsüingremi Abel tenla agizük, kechiaser pai san telok mezüing mepuba nungi tajungtiba Tsüingrem nem tenla agütsü. Saka Tsüingremi Kain-i tenlaba magizük, kechiaser pai Tsüingrem mulong achitsüsa pa tajungtiba nungi tenla magutsü südi. Ajisüaka Kain-i pei tai mebilemdangi tenu Abel dak tenükmerem aser tenu tepset (Lipok-3:8). Tenükmeremi nisung dak taochi meketi tepsettsü mapayur, aji oda iba temenenji Kain dak asangsang nung atalokogo. Mosa anema tedi Aron aser teyi Miriam nati tenükmerem mokokaji adoka pa anema nemnem, "Kibubai Mosa den dang jembir asü ? Pai asenok dena mejembir no ?" Ajisüaka Tsüingremi Aron aser Miriam dang ashi- " Tang kü o angang, nenok rongnung ainkar kar lira, ni Kibubai küsasa pa dang mangdang nung metetdaksütsü, ni pa den pongmang nung jembitsü. Saka ni kü tenzüker Mosa denbo yamaji masü...pa denbo ni tejak o tejak chitepa, tebang o tebang na agi ajangjanga jembir, tetezütsü agi masü, aser Kibuba temang-a pai angur". Ajangla nenoki kechiba kü tenzüker Mosa anema jembitsü temulong ulur ?" (Züingdangba-12:6-8). Tsüingremi Mosa Israel nunger lenitsü asoshi balaka shimtet, saka tangari masü par kibong telung nungi tedi Aron aser teyi Miriam nati tang pa dak tenükmerema pa anema apuso, ajisüaka iba atema Tsüingremi tena dang kanga mepela. Aser iba temenen atakatem Miriam dak rurjep ama mesüingmesünga zütsüra adok. Saul chuba-i Dawid dak tenükmerem adok, aser aji tanga kecha agia masü, saka kodang Dawid-i Filistia nunger temeranger Goliat akok, iba tongpang takok ngur Saul aser Dawid pei yimti-i meyipa shilangdang Israel-tsürtemi tepela agi ken yamai tenloktsü, "Saul-i merijang tepset aser Dawid-i merijang ter tepset". Aser iba ken ajanga Saul kanga rasa-a jashi (1 Samuel-18:7). Dawid-i Saul chuba anema kecha tamajung meinyak, saka Israel-tsürtemi tenüngsang ken tenloktsüba nungi Saul-i Dawid dak tenükmerem mokokachi adok aser pa tepsettsü arishia apuso. Ajisüaka Dawid-ibo aiben dang Saul chuba tepsettsü maongka tajung nguaka pai Saul chuba metepset,kechiaser Tsüingremi shimtetba chuba ka dak teka yia tepsettsübjaji Dawid-i Tsüingrem anema temenen tulu ta züngshi. Dawid-i Saul-i pa anema tepsettsü arishi-aka aser tamajung tasa jenti inyak-aka pai iba melena tajung dang meyipa agütsü. Anungji, iba temoatsü maongka meyiper Saul melena Dawid-ang Israel nunger madak chuba akümtsüsa tensa mapangi bentsür aru. Yosef tedi nungeri tenükmerem mokokachi agi bendanger dang alar asütsü ayok, saka iba bendang lima nung oagi meyiper Yosef chuba akümtsüsa Tsüingremi maongka agutsü, aser pa ljiip lima nung chuba menden nung aliba ajanga tebei anir techi nunger par kibong ajunga yawara taku nungi küzmüksüsa tensa tia bentsür aru. Aji oda Tsüingremi moatsüba aser shimtetba nisungbo nisungi kechi koma'ar ka arishi-aka memeneptsü, saka jenjang tajungba tajungba dang akümtsü ta item otsü nungi asenoki kuli tejangja angur.

Tanüasen putu nung asenok aliba aser tenzüktaba lokti nunga iba amala tensa taji aiben dang ajurur, asen tembar adianu kar nem Tsüingremi lokti lenitsü sempet tangar dang nungi balaka aguja alitsü akok, adianu kar Tsüingremi kanga azükarua moaja kechisarena nung ajungketsü akok, mesüra lokti mapa ajunga nung shilem tajung agiba ajanga nütsüing nüburi kanga ketasena akümtsüba beshitsü aser amshitsü akok. Aser iba ama sempet tajungji ngur adianu kari tenükmerem mokokachi agi attsüzüka yutsütsü arishitsüa akok. Ajisüaka iba amala nisungji kangasa tia maka asütsü, aser tia makara Tsüingrem nungi atakatem-a angutsü. Shirnoki Tsüingrem akümtsübudir aser ajemaludir Tsüingremi parnokji ajungkettsü, parnokji nisungi kechi komaka mezüingmeshia jentokaka kenübo jenjang tajungi ajungkettsü, aser kechi komaka nokdangtsü merangaka Tsüingremi lenmangji odang lapoktsütsü, aser kenü anogo langka kar nung meneper amai asüyongjia, ano lenmang tanga külen nungi tongteta aotsüsa Tsüingremi lenmang lapoktsütsü.

Mathi-5:5. "Shir ajemalurtem lir parnok temoatsüba; kechiaser parnokki alima senmangji amangtsü". Aji, oda shirnok nem Tsüingremi sempet tajung agütsür, lokti lenitsü sempet tajung moatsür, aser taküm jenjang libaliro nung azükarua moatsür, mesüra chirmur jala-jabaso tajung jenjang tajung moatsür, ibaji Tsüingremer maongka temoatsü tulu lir. Ibala sempet aser temoatsüji nisungi kechasüdanga kodanga kechi koma'ar kaser merangaka rakzüka bener moutettsü, aser ibala ama temoatsü senmangjibo taginür ajakibo angur masü, saka Tsüingremi asaa pai meimertem kar nem dang moatsür. Anungji shirnoki iba Tsüingremer maongka temoatsü senmang aser sempet tajungji mereprangnüi tenükmerem mokokachi agi asen anema tamajung kecha minyak sernung arishidir, item nisungjibo Tsüingrem tsüngdang sentsüh tulu asütsü. A. Shin-3:30. " Ne dang tamajung kecha inyaka melira, kecha masü nung nai nisung ka den terara". A.Shin-17:13. "Shibaisa tajung melena tamajung agütsüdir; par kibong nungi tamajung mepilatsü". T.Ken-38:20. "Shirnoki tajung melen tamajung shia agütsür, parnokki ni anema lir; kechiaser kechi tajung lir aji ni inyaker". Shirnoki tajung melena tamajung agütsür parnok jagi Tsüingrem anema inyaker ta ashir. Aji oda shirnoki tangar dak tenükmerema tamajung inyaker iba kasaji pei dangisa meyipa arutsü ta Tsüingrem o-i ashir. 1 Korint-13:4. "Temeimi tenük memeremer". Anungji asenok dak Tsüingrem temeim lira asenoki tangar dak tenük memeremtsü. Anungji asenok tamanger ajak iba tenükmerem nungi jenbua alitsü merangdi. Kechiaser tenükmeremji lep ama taochi maka. Tsüingremi iba o agi tazünger ajak moajangma.

Iba Olemsabang nung lemsaba ken-o aser shisatsü ya iba ocet zülur-i bilemba ken-o ama tazünger-i angateta agitsü mepishir

'O' YA TSÜNGREM LIR

(Taoba adok nungi...)

~L.Kika Pongener, Aoyimkü, Dimapur.

Anungji asenoki o ya kanga kümdanga jembitsüla. O ya shia meteta lir ta ser ajungabo mejembir, tarutsü tia bilemdanga, tesülen tejaklen kanga junga reprangdang, chinung anünga yua dang jembir. Akhi alemli mapang nungi otsüla oboula nunger Yisu yimsü osang tajung ya magizükdang, alimapur suaka parnoki yamai jembia aru, "Osu ajungerbo marokbang nung mayong tajung keter... Osu majungerbo marokbang nung nokpang keter". Tetezü o tajung osu tajung den yi mejemtsü aser mayongtsü tajung kar, saka o tesepra osu tamajung agibo nok agi pei tekolak tangzüktsüsa aazüker ta jembia aru. Otsüla-oboula nungeri tekong tesendang kechi atema aden ta jembia aru, tetezü o tebilemtetba aser temetetba ajungabo jembizüka meyoki tekong tesendang tashi nungi meyokzüka meyipa yoker, aser takok asaa-ka yazüyabong purapoji-a mejembi. Ano otsüla oboula nungeri yimjak nung, yim salang nung mesura lokti senden nung ken o tejembitet asa-a mashi mashi mejembi. Koker ta-ser ngasangadema tangar kanga mezüngmeshia, ariokja, ajemokja kodanga mejembi, kechiaser ajakji asen chirnur aser semchisemnur dangi meyipa arua-lir ta kanga kümdanga tsübuseta o tataktet aser telemtet dang jembi. Shirnoki yimjak nung, yim salang nung mesura lokti senden nung takok asa-a tiyazü kuli agutsür mesura jakdaka tiyazü jembir item nisüngjibo aria-mashir ta otsüla-oboula nungeri takzua aru. Anungji asenoki asen bang nungi o mashi mashi jembizüka meyoktsü kanga kümdangtsüla, kechiaser kechi o aseni jembizüka yoker iba o-ji tajung suaka tamajung suaka, ano asen dangisa meyipa arutsü. Shibai o tulu mebilemdangi jembir pa shisa maka, shibai mashi mashi o jembir paji tamashi nisüng. Saka shibai arok aroka shisadanger tejaklen tesulen repranga tarutsü tia bilema yimli o jembir, item nisüng dangi tashitemeteter aser tangateter nisüng ta ajar, aser item chirnur aser semchi-semnurtemi iba temoatsü maangka senmangji agitsü. Tsüngremi iba o ajanga tazüngertem ajak moajangma.

ISIS-i Khristan anema rara ayongzükogo: Franklin Graham



Franklin Graham (File photo)

April 13, 2017: Palm Sunday nü Egypt nung kiralongrar telok IS-i tenla ki ana poksatsüba sülen Hombarnü Daily Mail editor, Piers Morgan-i, kiralongrara telok, Islamic State-i Khristan tem anema inyaker ta jembia liasü aser iba oji metenja Evangelist, Billy Graham'er jabaso, Franklin Graham-i, ISIS-i Khristan tamangba yimsü anema rara ayongzükogo, ta ashi.

Egypt kübok Tanta aser Alexandria yimti na nung Khristanem tekülem sentep

agia alidang kiralongraratemi bomb amshia tenlaki amakba lendong nung tajemba agi niusng 45 tepseta liasü.

Mezüngbuba tatalokbaji Tanta nung aliba St. George Tenla ki sabang anasa tokja aliba bomb ji tamangertem osang tajung ken atenba mapang apok. Iba sülen mapang tatsüka tsüngda Alexandria nunga taküm tenla agüja bomb pokdaksür kati pa temang nung bomb alenloker St. Mark's Orthodox Coptic Cathedral kima pokdaksü.

Item amakba nung ajemdaker Billy Graham Evangelistic Association Tir, Franklin-i, "Piers Morgan-i Fox News dang Deobarnü Egypt nung tenlaki amakba indang jembibaji shitak dang," ta ashi.

Pai ashiba agi, "Egypt nung atalokbaji mamangaka atangji. Nai ISIS nükjidongji metettsü,

tang parnoki Middle East aser talisa Egypt nung inyakbaji Khristanem aser Khristan tamangba yimsü anema lir. Parnoki Khristan tamangba yimsü samatsüner aser ajak Muslim nunger kümdaksüner, parnoki temeshi rara ayongner aser Khristanem samatsüner," ta ashi.

"ISIS-i Khristan anema rara ayonggogo ta pai (Morgan) jembibaji shitak jembio, ta Franklin-i ashi.

Morgan-i, Pope Francis-i Egypt semdangtsü sentong aliba atema tebilemtsü katsür, kechiyong IS-i pa dak tenük yoker, ta ashi.

Palm Sunday nü bomb amshia amakba nung ajemdaker tang Egypt nung ita asem 'state of emergency' ayongzükogo.

Pope-i April 28-29 anogotem nung Egypt yimtiba, Cairo semdangtsü sentong lir.



Jerusalem, April 13, 2017 : Jerusalem Yimti Tejenba nung aliba Holy Sepulchre tenla kidang Orthodox Khristan amangertemi kati ka "Tetsüng shitoktsütepba" sentong nung shilem agiba noksa nung angur.

ANO GO ABEN TSÜNGREM DEN

TATEMBANG TENLA (GOOD FRIDAY)

"Tsüngremer tasatetba aser tamasa nungi metetjema aliba agi pa ozüng memeteterem teka agi kangki nung nenoki südaksütsü asoshi bendanga agütsü"

T. Mapa 2:23

Tsüngremi Pa teka mapa, Pa tangu apuokja, Pa mesükba nung yangluba purtern kilrnzüktsü asoshi ainkar balala yoka jembi.

Saka meimchirtemi magizük nungji Pa Chir ka dang aliba ajangajembiba anogo. Tsüngrem temolungjang agi jembi, Pa Chir kangki nung asüba ajanga, shirnoki amangdir mesamatsü saka teti taküm alitsü asoshi Kalvary Kangki nung azü tokshi. Iba senti azü dangi temenenpur shirnoki tamang agi Pa dangi arur parnok shidoktsütsü aser teti tatem maka taküm Pa Chir Pa den alitsü tenlaba anogo.

Pa temang raksaba ai korang asema, tesa nung nü agi atsüngba, tekabu, tetsüng nung kojat agi angenba, sensatsüba, reshikangshi aser tatem nung kangki nung angenlokba item ajakji meimchir temenen nungi alanzüktsü taküm tenlaba lir.

Temeim adianu, nai-a na asoshi Yisui kechi inyak shisadangdar ma ? Asen sentsü aotsüsang dangi meyipdi.

Temadokba jabaso tebu dangi meyipa shilangba ama tanü asen temenen mulung bener Tebu Tsüngrem dangi odi.

SARASADEM

Oba, tanep ni temenen molungjang bener Na bushia ki dangi meyiper. Amen.

Yisu shia aruba dak mamangra tamanger masü



April 13, 2017 : "Yisu sür shia aruba dak mamanger aser tekülem kidangi anasa maoertemji tamangar masü," ta tesüiba mapang Chubatsür atema Chaplin inyaka alisang Rev Dr Gavin Ashenden-i ashi.

Pai ashiba agi, tamanger pezüsü lemer küsüi Yisu shia aruba dak mamanger ta ashir anungji parnokji tamanger masü.

Rev Dr Gavin Ashenden-i, Khristan pur nisung pezü rongnungi kati Yisu tasü madak takok ngua shia aruba dak mamanger ta sangdongba ajanga Britain sobaliba aser Tamangba yimsü makmakshimadaksür, ta ashi.

"Asenoki tetetzüji kanga junga angatettsü nüngdak. Yisu tasü madak takok ngur shia aruba asenoki temulung ajak agi agisüktetba ajanga asenok tamanger kaka kümdaksür, saka nai ibaji magizüktetra na tamangar ka masü," ta pai shisem.

Palm Sunday nü asadangba ka ajanga ngutetba agi Khrista dak amanger noklang nung shilem 23-i Yisu shia aruba dak

mamanger.

Aji süaka mamangertembo nisung 10 rongnungi katibosa Yisu tasü madak takok ngur shia aruogo ta amanger.

Nisung 2000 shi dang nungi iba osang asadangtsü merangba mapang nisung noklang nung shilem 46-i sür ano taküm alitsü ta amanger aser mamangertem parnok nisung pungu rongnungi kati kasaji ashir.

Manchester nung Bishop, Right Reverend David Walker-i, tenla kidangi maoertem pei amangbaji kanga akanga amita aliba bushisüngdang ka ajanga nguteta lir, ta ashi.

"Mamangertemibo parnoki amangba tsüngremji kanga tashi ita amanger," ta pai ashi

Tenla Ki ka nung tekülem agiba mapang Muslim indang Koran züngdangtsüba Arogo ka pai aitsüba sülen Dr Ashenden ya taküm January it nung chaplain mapa nungi anen.

Ni yimjak nung tamangba yimü pusema atema mongintemi ni aitsür, ta Dr Ashenden-i ashi.

Pai taküm March ita nung Church of England toktsü.

OLONG PAITEP # 4392

1		2					3			4
							5			
6					7					
							8			
		9								
								10		
11				12						13
14			15							
					16					
17										
			18							

TIPILEN

- 1. Tzü atsungtendak - (8)
- 5. Jenti - (4)
- 6. Alu inyak dang amshiba oset ka- (6)
- 8. Netsü tetsü - (4)
- 9. Yisu-i iba tzüma nung jaja- (5)
- 12. Menütsü - (5)
- 14. Yimti tulu - (4)
- 16. Arem ak - (6)
- 17. Te _ _ _ _ m - (4)
- 18. Mangatetep adoka rara - (8)

LANGTSÜNGLEN

- 1. Totzü nung aro - (5)
- 2. Okshia - (6)
- 3. Khu abenba shiruru - (4)
- 4. Mozü agi mapet - (5)
- 7. Aria bilemtep - (7)
- 10. Purapuji o jembiba - (6)
- 11. Nguyu - (5)
- 13. Zülua aliba metettsü merang - (5)
- 15. Iba sülen - (4)

OLONG PAITEP # 4391 TELANGZÜBA

TIPILEN :

- 1. Killir, 5. Lasüng, 7. Samaru,
- 11. Jaka, 12. Naro, 15. Langzü,
- 17. Mapang, 18. Arong.

LANGTSÜNGLEN :

- 2. Lasa, 3. Kar, 4. Ana, 5. Langtsüng,
- 6. Sujong, 8. Rajem, 9. Arogo,
- 10. Tanela, 13. Züno, 14. Lao, 16. Ano.



AZÜ JAJA ASER KÜRA JAJA

Semchir : Obou... Azü jaja aser Kura jaja ta nenok tantsür-tamburi jembiba tetezü ya kechi'ar nai jungjunga rateta shiangjo...???

Alokba : Ena semchirtem... Azü-i khen tashi ajak agi temeli sakteter asemjen asemtsü, aserbo ano oda kecha masu amai pa anenudak ka anener mejanga kazütsü.... saka Kura-ibo meilungi tanem tanemi jajayonga apusobaji pa tatongtsü tesem ka matong tashi khen-a maneni jajapet jajatsü...anungji meilungi jajayongji-a Azü o Kura na asemtep nungbo ,Kura-i takok angutsü adii...

Semchi : Obou...surabangla iba tetezüji kechi komala nung jembir'ar rasa-a shiangma ?

Alokba : Ena... nisung kari azü jaja amaji pai ashiba, pai metetba aser pa akaba ajunga kheni tokzüka sayutsü, mesura khenyongi kecha tatitak makai tashi ajak agi takok asa-a inyak-a apusotsü....Saka ano nisung kari Kura jaja amaji aika shia meteta liaka kecha mashi memetet ama, aser kecha maka amai tanem tanemi tang inyaksü, aser item nisung jagi tang takokjibo angur ako-dii..... Shirnoki kanga aritepa tashitemetet shisang-shisanga, aser taka-tait shisang-shisanga khenyongi tashi ajunga agi apusor, parnokji yakta metsüdaker alanger ako... khen takok angur amai asuyongji-a tatsüka orr alanga-adoktsü ta adii...

Lilir : L. Kika Pongener, Aoyimkü, Dimapur.

TANÜBO NAI LANGZÜANG

Q. '2017 UNESCO/Guillermo Cano World Press Freedom' sempet shibai agizük ?

[A] Ahmet Sik [B] Reeyot Alemu
[C] Dawit Isaak [D] Mazen Darwish

(Taruba adok nung onoki langzütsü)

YASHIADOK TELANGZÜBA : Lewis Hamilton

Tanur asoba anogo nung salem osang den noksa angali adokdaksünura - Tenüng, Küm, School, Talidak & salem osang tejanga zülur, noksa (photograph - any size) ka den anogo 3 mesüra 4 jela e-mail : tiryimim@gmail.com nung yokang mesüra Tir Yimiyim bureau tem nung agujang.

Tepela Tasoba Anogo



- 1. Tenüng :
- 2. Tasoba anogo:
- 3. Küm : 4. Class :
- 5. School :
- 6. Talidak :
- 7. Salem osang :

NAIA YA METETER MA

Dr Akhilesh Das Gupta

India nung UPA-I sorkar mapang Ato Kilonser Dr. Manmohan Singh lenisüba kübok Union Minister of State for Steel inyaksang Dr Akhilesh Das Gupta tawa Lucknow, Uttar Pradesh state nung süogo. Pa arishi küm 59 liasü. Das Gupta ya Educationist, Professor, aser Indian Politician & Philanthropist ka liasü.



Taoba mapang pa Badminton Association of India (BAI) nung Tir, Asia Confederation (BAC) nung Tatong Tir, Executive Council of Badminton World Federation (BWF) nung züngsem aser Indian Olympic Association (IOA) nung Tatong Tir inyaka liasü. 1999 nungi 2014 tashi Rajya Sabha nung asemben tashi inyaka liasü.

India linük nüjiso atema rarar aser taoba mapang Uttar Pradesh nung Chief Minister inyaksang asür Shri Babu Banarasi Das'er jabaso Akhilesh Das Gupta.

SUDOKU # 3505

		4	7	5	9					
5	6		3		8					
1	2		6	8		5	3			
			1			8	4			
		3	8	6						
		5	2			3	6	1		
			5	7	2	9				
		8		4	1	6	2	7		
2	7	9				1	5			

TELANGZÜBA # 3504

9	1	8	2	4	5	7	6	3
5	7	6	1	8	3	4	9	2
2	3	4	6	9	7	1	5	8
1	8	7	9	3	2	5	4	6
3	6	9	4	5	8	2	7	1
4	5	2	7	6	1	3	8	9
6	2	5	3	7	9	8	1	4
8	4	1	5	2	6	9	3	7
7	9	3	8	1	4	6	2	5

OJANG LUTEP # 3998

- MCHMEIIR :
- TENEMEN :
- UNGNU :
- AGZÜKLANTSÜ :
- MHECI :
- SUYI :
- KSTHRIA :
- ANGKKI :
- NNUG :
- AKTSÜDSÜ :

OJANG LUTEP TELANGZÜBA # 3999

MESHISADANGI INYAKBAJI MEMETETI TANGAR MASONGDAKSA ASONGER ASÜNUNGI MEZÜNGBUBA SHISADANGERANG INYAKTSÜLA

Anü ita petinu ajanga alima nung tsüngsang mopung melenshidaktsüba ama nisunger tia-a melenshidaktsür ta anü ita petinu tetzürtemi ashir, parnoki ashibaji shidak asü tai'ar nai-a na asoba ita anogo den tanü nü tia medemdangang (Horoscope):



Aries
21/3-19/4

Na meketa timtem agütsütsü nisung alitsü . Anungji tanü nai sentong kar nung takok ngunüra kanga junga bilemdanger inyaktsüla.



Taurus
20/4-20/5

Nü mapa thinentsüsa tangari na meinprongtsü südi. Saka nai parnok den o tajung agi jembiang aser parnok nungdakba angatentang.



Gemini
21/5-20/6

Tanü na anasa o tali jembir aika alitsü aser iba ajanga nü mapa nung tamakok alutsü akok. Anungji nai tangar den o mashi mejembi tajungba asütsü.



Cancer
21/6-22/7

Tanü sentong tila ka nungi mangatettep tulu adoktsüsa mapang arutsü südi. Anungji tangari ashiba o mangai ali tajungba asütsü.



Leo
23/7-22/8

Tanü nai nisung aika tepela aser tesüngjem nung ajurutsü. Saka parnoki nü teyari aginüra nai molungsoa yariang.



Virgo
23/8-22/9

Nai jangraba inyaktsü asoshi tanü mapang tajung lir. Aser nü mapa nungi anisüngzüka alitsü asoshi sentong kar yangluang.



Libra
23/9-22/10

Tangar tsüngda nung mangatettep adoka aliba nung nai shilem agiba ajanga tensa tamajungba akümtsü akok. Anungji nai shilem magi yutsütsü bilemang.



Scorpio
23/10-21/11

Na anasa aliba nisungtem den na mangatettep madoktsü merangang. Aser tangari inyaktetba mapatem nai aginüa mebilemtsü merangang.



Sagittarius
22/11-21/12

Tanü nai kima yimtung nung tangar inyaksangshi ajizüktsü anogo tajung asütsü. Kokra tesüngjem tesem ka nung nü kisüng oa kazüang.



Capricorn
22/12-19/1

Na tekolok anibelem agi sünga alitsü südi. Anungji na item maparen nungi anisüngzüka alitsü asoshi tanü nai sentong kar yangluang.



Aquarius
20/1-18/2

Tajung ka kümtettsü mechi tanü nai tangar jembishinü nung shilem magi tajungba asütsü. Na mesükba nisung kar den nü anogo süidakang.



Pisces
19/2-20/3

Tajung bilema inyakba nisung kar den nü anogo süidaktsütsü merangang. Iba ajanga tanü nü anogo jangratemtsü aser tepela nung sütsü.

Actor Munshi Venu süogo

April 13, 2017 : Veteran actor Munshi Venu April 13nü Chalakudy, Thrissur, palliative care centre ka nung süogo. Arishi küm 63 tain actor ya tezüng mapa meinyaki aküm aser 'dialysis treatment' agia liasü.

Venu-i Kamal Pachakuthira indang film nung mezüng shilem agia tenzük. Pa Kanyaka Talkies, Oru Muthassi Gadha, Chotta Mumbai aser Salt n Pepper nung amala film nung shilem agia liasü. Pa taküm aliba mapang Malayalam film 75 shi nung shilem agiogo.



Osang ajanga ashiba agi, pa Venu temang anepalutsü asoshi Chalaky nung küm 10 tashi senotsü agi anünga liasü, ta kasa lodge ka nung lia liasü. Maneni osang ajanga metetdaksü.

Begum Jaan film Pakistan nung mesayatsü



April 13, 2017 (Agencies): Danggal, Jolly LLB 2 aser Naam Shabana sülen Vidya Balan-i shilem agiba film Begum Jaan Pakistan nung mesayadaksütsü. Iba film ya Pakistan o India na pilaba mapang atalokba otsü dak ajemdaker yangluba film ka lir, aser Pakistan nung iba film mesayatsü, ta producer Mahesh Bhatt-i jangjatsüogo.

Osangbener den jembidang Bhatt-i ashiba agi, "Pakistan nung kü distributor-i ashiba agi, India o Pakistan na pilaba dak sendakba otsütem par lima nung mesayadaksütsü asoshi policy lir. Iba osang angazükba sülen Pakistan censor board nung

tongtibang ketdangsertem dang film reprangdang telemtetba agitsü asoshi mepishiogo. Parnoki iba dak sendakba nung asadangtsü ta nangzüka liasü, saka tang tashi kecha osang mali."

Srijit Mukherji-i direct asüba film Begum Jaan ya Bengali film Rajkahini yanglushir adokaba lir. Film ya India aser Pakistan na arrtsü nung tekep ayokertem aliba tesem ka indang otsü lir aser linük ana pilaba mapang parnok iba tesem nungi aotsü asoshi tetuyuba agütsüba mapang tatalokbatem film nung sayur.

"Mapang tatsüka lir kü distributor ajanga, Begum Jaan

film Pakistani pa ajanga bener arutsü asoshi temelaba magütsüba pai metetdaksü," ta Bhatt-i shisem.

Film nung Vidya Balan, Gauahar Khan, Pallavi Sharda, Ashish Vidyarthi, Rajit Kapur, Chunkey Pandey aser ano tangar kari shilem agir.

Anogo ishika tejakdanga Aamir Khan indang film Danggal-a Pakistan nung mesayateti liasü. Pakistan Censor Board ajanga film nung shilm ana intoktsü asoshi asüngdang. Mezüngbuba nung national flag adokba aser Indian national anthem atemba shilemtem film nungi intoktsü asoshi metetdaksü. Producer Aamir Khan-i item shilemtem intoktsü asoshi memolungi, Pakistan nung iba film mesayatsü asoshi telemtetba agi.

Taapsee Pannu indang film Naam Shabana-a Pakistan nung mesayatet kechiyong film shilem ka nung kiralongratem dak sendakba shilem densema liasü. Maneni Akshay Kumar-i shilem agiba Jolly LLB 2 nung shilem kar nung Kashmir indang jembiba atema mesayatet.



THIRUVANANTHAPURAM, APRIL 13, 2017 : Brihostibarnü Foreign tourist tem Kovalam beach, Thiruvananthapuram nung südoksünema amunba noksa nung angur. Kovalam beach ya state nung raliwalirtem amungba nungtuugu tzüküm ka lir, saka tang ya mongpu masüba agi kanga azünga kümogo.

TAN HOPTA ATEMA - KOMA SÜLA ?

Q. Sorkari Nagaland nunga nashi metepsettsü aser nashishi mayoktsü atema tenokdangba agütsü nunga koma süla?

Olong 20 shi nung April 14, 2017 tashi nung iba telangzüba ya onok dangi

e-mail - tiryimiyim@gmail.com mesüra SMS - 9856121232 / 9436072422 mesüra Tir Yimiyim Facebook account ajanga yokang. Telangzübatemji taruba Hokolbar nü adoktsütsü.

Padma Awards nisung 44 nem agütsü



New Delhi, April 13, 2017: Brihostibarnü New Delhi, Rashtrapati Bhavan nung Tir, Pranab Mukherjee-i (abelen nungi ajichilen) Chef, Sanjeev Surendra Kapoor, Odissi tsüngsanger Aruna Mohanty, Olympic gymnast, Dipa Karmakar, Olympic Wrestler, Sakshi Malik aser kentener, Kailash Kher nung nem Padma Shri awards agütsüba noksa nung angur.

New Delhi, April 13 (Agencies): Tir Pranab Mukherjee-i Brehostibarnü Padma awards nisung 44 nem agütsü. Item rongnung 'celebrity' tem aser lokti atema teyari balala agütsüba nisungtem densema liasü.

Iba sentong ya Rashtrapati Bhavan, Durbar Hall nung agia liasü.

Mukherjee-i guru Sahdguru Jagadish Vasudev aser singer K J Yesudas nem Padma Vibhushan agütsü. Kasa award taoba mapang Madhya Pradesh Chief Minister tenung nung pa kinungtsü, Sunder Lal Patwa-i agizük.

Vibhushan, Padma Bhushan aser Padma Shri agizükernonok 44 nungi parnok 40 iba sentong nung aden. Padma Shri angur ka iba sentong nung medentet aser asür parnok asem tenung nung kinungertemi award agizük.

Padma Bhushan agizükertem rongnung, 'Mohan Veena' musical instrument yanglutetsang Pandit Vishwa, Professor of modern languages Mohan Bhatt, Acharya of Kashi Vishvanath Temple, Devi Prasad

Dwivedi, Jain monk, Jainacharya Ratnasundersuri Maharaja aser asür Journalist Cho S Ramaswamy nung liasü.

Chef Sanjeev Kapoor, kentener Kailash Kher, Bollywood chronicler Bhawana Somaaya, taoba Foreign Secretary Kanwal Sibal, Olympic nung shilem agir Dipa Karmakar, Sakshi Malik aser Vikas Shive Gowda, Paralympic Gold medalist Mariyappan T aser ano tangar kar nem Padma Shri tir-i agütsü.

Padma Shri angurtem rongnung ano tetushi angütsü tim mangurtem, school züngtur anensang Jitendra Haripal shiba dang 'Rangabati ki Awaz' taka ajar pa den arishi küm 81 tain Assam Ela Ahmad shiba 1970 küm nungi 'women magazine' ka adoka arudar aser West Bengal nungi volunteer fire fighter Bipin Ganatra densema lir.

Maneni Laxmi ASU machine yanglutetsang Telangana nungi Chintakindi Malleshma nema iba tetushi sempet agütsü liasü.

Tanünga angurtenji: Dr Subroto Das, Girish Bharadwaj, Anuradha Koirala, Asoke

Kumar Bhattacharyya, Eli Ahmed, Krishna Ram Choudhary, Telecom expert Tripuraneni Hanuman Chowdary, social worker Dattatrey Narayan, journalist Balbir Dutt, painter Tilak Gitai, scientist Jitendra Nath Goswami, actor Sadhu Meher, transplant surgeon Mukut Minz, Odissi dancer Aruna Mohanty, Birkha Bahadur Subba Muringla, artist T K Murthy, Kashinath Pandit, Carnatic vocalist Parassala B Ponnammal, sculptor Aekka Yadagiri Rao, Technology professor Ajoy Kumar Raym, media magnet Hasmukh Shah, Sanskrit expert Harihar Kripalu Tripathi, Unani expert Mohammed Abdul Waheed aser surgeon Dr Devendra Pate nungertem lir.

Padma Shri angur Kannada lexicographer G Venkatasubbiah bo iba sentong nung medentet.

Iba sentong nung Ato kilonser Narendra Modi, Cabinet minister tem aser Lok Sabha Speaker Sumitra Mahajan nungeria shilem agia liasü.

Smartphone tali amshiba ajanga kija taküm aser lokti nung tebilemstü adokdaksütsü akok

April 13, 2017 (Agencies): Smartphone tali amshiba ajanga kija taküm nung, lokti aser mapa inyakba tesemtem nung tebilemstütem adokdaksütsü, ta bushisüngdang tasen ka ajanga ashi.

Iba bushisüngdangba nung shilem agirtem shirnoki parnok "addicts" aser "fanatics" tem ta ashir, parnok dak nungi, akmesen, lokti nung shilem agütsü arendakba, pei sasa nema lua bilemba aser kanga mepelaba yimyatem nguteta liasü.

"Asen smarthphone tem ajanga mapang tatsüka tsüngda nung yakta telanzübatem agütsü jangratemdaksütsü," ta New York, Binghamton University-State University nung Assistant Professor, Isaac Vaghefi-i ashi.

"Asenok temang nung aliba 'neurons' tem arakzüdaksütsü aser ibaji ajanga 'dopamine' chioker aser mapang tatsüka tsüngda nung iba ajanga yakta telanzüba agütsüba aser

yakta jangratemtsüba tejangraba asen dak aiddaksütsü. Iba ajanga mapang tatsüka atema dang temolung agütsütemba yimya kümteter aser tezüdang tali aludaksütsü," ta Vaghefi-isa ashi.

"Technology addiction" ta asüba tetezüji; social media, tali text asüba, information overload, online shopping, gambling, video gaming, online pornography aser smartphone tali amshiba den sendaktepa lir.

Iba bushisüngdangba nung parnoki College nung azünger kaketshir 182 asadanga liasü. Parnoki kaketshirtem dang parnoki anogoshia smartphone amshiba yimya metetdaksütsü asoshi asüngdang.

Kaketshirtem telanzüba nung ajemdaker parnoki phone amshiba yimya nung; kümdanga amshirtem, teti amshirtem, kanga amshirtem, fanatic aser addict ta lemdangtsü.

Item rongnungi shilem 7 "addict" tem aser shilem 12

"fanatic" tem ta ngutet.

Iba lokti anapronglai kija taküm, lokti aser mapa inyakdak phone amshinüba tejangraba adokba ajanga tebilemstü adokba tajangshiba lemsatempa liasü, ta bushisüngdang ajanga ngutetba osang ka ajanga metetdaksütsü.

Maneni bushisüngdang ajanga ashiba agi, smartphone nung addict akümtsüji tetsürtem temelaba lir.

Smartphone nung call mesüra vibrate masüdanga nai mapangshia phone repranga lira, mesüra smartphone nü ket nung malidang na animesüngzükteti kümra, professional teyari bushitsübbaji tebilemdangba tajung asütsü, ta parnoki metetdaksütsü.

Maneni nü tebilemstütem sendoka toktsür nai item nung jenbuttsü mesüra anisüngzükt angütsü asoshi technology balala teyari agira na teyari bushitsü nungdaka lir, ta bushisüngdangertemisa ashi.

Motorola indang Moto C aser Moto C Plus temai adokoko

April 13, 2017 (Agencies): Lenovo-i alizükernonok Motorola indang Moto C aser Moto C Plus phone temai adokoko. Iba phone ana indang operating system ya Android Nougat lir. Osang ajanga ashiba agi, iba phone ana ya jenjang dalang asütsü.

Moto C aser Moto C Plus phone anaprong indang display ya inch 5 lir aser Mediatek chipset inoka lir. Moto C ya 3G aser 4G indang angütsü aser moto C Plus ya 4G LTE nung angütsü.

Moto C smartphone nung RAM ya 1GB aser internal memory ya 8GB mesüra 16GB nung angütsü. C Plus indang RAM ya 2GB alitsü imlar, ta osang ajanga ashi.

Moto C phone indang tesülen aliba camera ya 5MP aser Flash lir aser tejaklen camera ya 2MP aser flash dena lir. Moto C Plus indang tesülen camera ya 8MP aser tejaklen camera ya 2MP lir.

Moto C indang battery tashi ya 2,350mAh aser Moto C Plus indang battery ya 4,000mAh alitsü imlar, ta kasa osang nung shia lir.

Motorola indang Moto G5 aser Moto G5 Plus



smartphone tawa India nung sayaogo. Moto G5 aser Moto G5 Plus tsüngsa tepila kangabo mali. Moto G5 jenjang sen 11,999 lir aser 3GB RAM+16GB internal memory aliba Moto G5 Plus ya sen 14,999 agi angur.

Moto G5 Plus ya ano tapu ka nung 4GB RAM aser internal memory 32Gb lir aser iba smartphone jenjang ya sen 16,999 lir.

Moto G5 indang display ya inch 5 aser full HD IPS LCD den Corning Glass 4 inokja lir. Moto G5 Plus indang display ya Moto G5 den kasa lir saka display ya inch 5.2 lir. Iba phone anaprong ya February nung Mobile World Congress 2017 nung saya liasü.

Jaguar F-Pace ya '2017 World Car of the Year' shim



New York, April 13 (Agencies): 2017 New York International Auto Show nung Jaguar indang mezüngbuba SUV gari, F-Pace ya '2017 World Car of the Year' shimtet.

Iba jenjang ngutetsü asoshi Germany nung gari yangluba company tuluba ana, VW aser Audi indang Tiguan aser Q5 garitema final tashi atu.

F-Pace ya temaba sempet ngutetba kisüng masü saka design tajungtiba sempeta angu.

"F-Pace ya anogoshia tesem ajaklen bener senzütetsüsa yanglu. Sempet ana tashi anguba ajanga Jaguar company nung inyakertemi temolung agütsü aser bendanga mapa inyakba sayur," ta Jaguar Land Rover indang CEO, Dr. Ralf Speth-i ashi.

'Luxury car' indang noklem nung sempet ya Volvo S90 aser BMW 5-Series ajak ajangteta Mercedes E-Class nem agütsü.

'World Car of the Year' sempet ya New York Auto Show nung agütsü aser taküm iba tetoktepba nung 'World Urban Car' indang sempeta

agütsü.

'World Urban Car' sempet ya BMW i3-i mezüngbuba agizükoko. Iba sempet asoshi Suzuki Ignis aser Citroen C3 garia temaba jenjang tashi atu saka BMW i3-i item garitem ajak dang points timba ngutet.

'World Performance Car of the Year' sempet ya Porsche-i indang 718 Cayman gari nem agütsü. Porsche-i yangluba gari ya iba sempet ya küm 13 tsüngda nung pongubenbuba angur asütsü.

Iba tetoktepba nung 718 Cayman gari ya McLaren 570S aser Audi R8 Spyder garitem dang tajungba liasü.

2017 'Green Car Award' ya Toyota Prius nem agütsü. Iba gari agi 2017 North America Car of the Year sempet angur, Chevrolet Bolt aser Tesla Model X garitem ajanga ajangteta.

"Iba sempet ngutetba ajanga onoki terenlok asoshi nukla tasen yur inyakba kuli agütsü," ta Toyota division indang Group VP, Jack Hollis-i ashi.



Srinagar, April 13, 2017: Brihostibarnü Srinagar Parliamentary constituency menden atema polling station 38 nung nung election agishiba anogo nung security sepaitemi iba constituency kübok Chadoora tehsil nung mitkar mapa inyakba noksa nung angur.

Tir Pranab Mukherjee-i GST indang bill pezü agizükogo

New Delhi, April 13 (Agencies): Brihostibarnü Tir, Pranab Mukherjee-i Goods and Services Tax (GST) dak sentakba bill pezü agizükogo. Bill pezüji- Central Goods & Services Tax Bill (CGST), Integrated Goods & Services Tax Bill (IGST) Goods & Services Tax (Compensation to States) Bill aser Union Territory Goods & Services Tax Bill (UTGST) lir. Item bills ya April 6, 2017 nü Parliament nung agizüka liasü. C-GST ajanga good & service atema GST sarutsü

asoshi Centre nem tashi agutsür, ano I-GST ya inter-state supplies saru alitsü. S-GST ajanga VAT aser state-i sarubatem GST nung loktepba sülen state tem nem saru sarutsü tashi agutsür, aser iba ya state assembly shia nung agizüksüsa akumtsü. Ano GST rates bo May 18-19 anogotem nung ang GST Council-i lemtetsü. GST Council nung ya Centre aser state tem naprong nungi züngsemtemi akumba lir aser parnoki four-tier tax structure - shilem 5, 12, 18 aser 28

benokogo. Highest slab nung luxury aser demerit goods nungi cess alitsü, koba ajanga GST mapa küma benokba sülen küm pongu tsüngda saru nung takoksa anguba state tem nem sen temenok agutsütsü. Central excise duty indang saru balala, central sales saru aser service saru ji C-GST nung lokteptsü, S-GST nung state sales saru, VAT, luxury saru aser entertainment sarutem lokteptsü. GST ya taküm July 1, 2017 anogo nungi tenzüka mapa küma inyaktsü sorkar sentong lir.

Kulbhushan Jadhav kong ali'ar India-i memetet: MEA

Mumbai, April 13 (Agencies): India senso Kulbhushan Jadhav kong ali mesüra koma aliar Pakistan-i India nem kecha memetetdaksür, ta tanü external affairs ministry (MEA)-i metetdaksü. MEA otongdar kati, Pakistan-i pa itangiter lir ta shia tasüba temerenshi agutsütsü obendang agüja alisang, Jadhav ya Indian Navy officer nungi anisüngzükba ketdangser ka lir, aser pai aibelenali, ta ashi. MEA otongdar, Gopal Baglay-i, "Onoki pa kong aliar memetet. Mesüra pa kechi tia ka nung aliar onoki memetet," ta ashi.

Baglay-i ashiba agi, pa ya Iran nung puer ao südi, kong pa shishilembaba mapa inyakker. Paisa, yaküm Iran sorkar nem osang agüja liasü, saka pa indang osang kecha mangu, ta ashi. "Pa indang osang magütsüba mesüra pa anema ken o akaba yimya apir, pa tepsettsü sentong jelia yanglua liasü ta India nung ajaki züngshir," ta otongdarisa ashi. "Iba nisungba ya kodaser Pakistan atong'ar onoki jangjatsüla; pa Pakistan nung alibaji onoki memeteti liasü. Iba atemaji onoki pa ajurutsü nüingdak. Pa ajurutsü temetenji International oziung ka lir," ta

paisa ashi. Jadhav-i itangitsü nükjidong nung Pakistan-i ao süra pa ket nung Indian passport malitsüla, ta paisa shisem. India-i Pakistan dang Kulbhushan Jadhav ajurutsü atema taoba mapangtem nung 13 ben tashi asüngdanga liasü saka Pakistan-i memelung. Maneni Pakistan nung aliba Indian High Commission-ia Pakistan dang Jadhav ajurutsü atema mepishiogo. Taoba mapang Indian Navy Officer, Kulbhushan Jadhav ya itangiter ka lir ta aija tawa Pakistan nung aliba court kati pa nem tasüba agi merenshitsu obendang agüja liasü.

Dr. Ambedkar asoba anogomung nung PM Modi-i mapatong aika tenzüksü

New Delhi, April 13 (Agencies): 126buba Dr. Bhim Rao Ambedkar asoba anogomung, April 14 nü Ato kilonser, Narendra Modi-i linük nung digital payments atema mapatong aika tenzüksütsü. Item rongnung shishilembartem atema BHIM Aadhaar platform, BHIM atema cash back aser referral bonus schemes tenzüksütsü den shidi sen mamshiba jila 75 sangdongtsü. Ato kilonserisa digital payments ajungkettsütsü atema incentive schemes- Lucky Grahak Yojana aser Digidhan Vyapaar Yojana takoker nem senpet agutsütsü. Item mapatong ajanga linük nung digital ajungkettsütsü aser Dr.Ambedkar mangdang ataloktsütsü. BHIM-Aadhaar, BHIM App ajanga sensotemi pei biometric data amshia payment sütetsü. Iba atema smartphone nung biometric reader alitsüla. BHIM aadhaar platform ajanga smartphones, internet, debit mesüra credit cards amshirtemi digital transaction sütetsü. Tan bank 27 aser shishilembar lakh 3-i iba mapatong agizükogo, joko parnoki BHIM

Aadhar ajanga payments sütetsü. Ato kilonserisa BHIM atema incentive schemes ana- Cashback aser Referral bonus tenzüksütsü aser iba nungji ita trok tsüngda sen crore 495 intoktsü. Referral bonus scheme kübok BHIM amshirtem aser tang tasen amshirtemi pei account nung cash bonus angutsü. Cashback scheme kübok shishilembartem BHIM ajanga sen transact asüba shia cashback angutsü. Schemes anaprong ya MEITY aser NPCI-i ketdangsa inyaktsü. BHIM App ajanga alima nung otsü tasen ka yanglutetogo; Yaküm December ita nung iba app tenzüka sülen ita pezü tsüngda nisung crore 1.9-i iba app download süa liasü. Tan financial year nung digital transactions crore 2500 nükjidong yur Ato kilonserisa sen kanga ajema amshiba jila 75 sangdongtsü. Item jilatem nung anogoshia digital transactions lakh 1.5 asütsü imlar aser ibaji ajanga küm nungbo transaction crore 5.5 shi ajungtsü.



Lucknow, April 13, 2017: Nashi tepsetba kitem nokdangba anema Brihostibarnü Lucknow nung Qurashi züngsemtemi mener longkak aitba noksa nung angur.


BJP-i Delhi, HP, MP, Assam nung takok angu

New Delhi, April 13 (Agencies): Delhi, Himachal Pradesh, Madhya Pradesh aser Assam assembly by election nung BJP-i takok angu aser Congress-i Karnataka nung menden anaprong nung takok angu. Deobarnü state tenet nung Assembly menden 9 aser Srinagar Parliamentary menden atema by election agia liasü. Item rongnung Karnataka aser Madhya Pradesh na nungi menden anana aser West Bengal, Assam, Rajasthan, Himachal Pradesh aser Delhi shia nung menden kaka liasü. Delhi kübok Rajouri Garden Assembly by election nung BJP-i takok junga angu aser Aam Aadmi Party-ibo tamakok

mejungi ngua liasü. BJP-SAD candidate, Manjinder Singh Sirsa-i vote shilem 50 dang nungi timba ngua liasü. Madhya Pradesh nung BJP-i Bandhavgarh Assembly menden nung Congress madak vote tali 25,000 dak temai takok angu. Himachal Pradesh nung BJP candidate Dr Anil Dhiman-i Bhoranj (SC) Assembly menden nungi takok angu. Ano Assam nunga BJP candidate Ranoj Pegu-i Dhemaji Assembly by-election nung Congress candidate Babul Sonowal madak takok angu. Karnataka nungbo Congress-i Nanjangud aser Gundlupet Assembly menden naprong nung takok nguogo.



Chennai, April 13, 2017: New Delhi, Jantar Mantar nung Cauvery ayong atema longkak aitba sentong pusema Brihostibarnü Chennai nunga Tamizhar Ezhuchi Iyakkam züngsemtemi merang lisü agi teka alenteper longkak aitba noksa nung angur.



Beijing, April 13, 2017 : Beijing, China nung Ministry of Foreign Affairs senden nung China Foreign Minister Wang Yi (achiji nungi tanabuba)-i Palestine Foreign Minister Riyad Al-Maliki (abelen nungi tanabuba) den ajurutebpa noksa nung angur.

Ni India den nangzüktepba kecha miima mayu: Hasina

Dhaka, April 13 (Agencies) : Tan India aser Bangladesh na tsüngda tenangzüktem ayuba nung Bangladesh opposition lenir Khaleda Zia-i Ato Kilonser Sheikh Hasina aitsüaka Hasina-i, ni India semdangba mapang Khaleda-i miimshiba ama kecha memiimshi, ta ashi.

Bangladesh Nationalist Party nung mendenbulai, Ato Kilonser Sheikh Hasina India nungi teka tazüng aru. India-i la dang inyaksü merangsü indangang ashi, ta Bodhbarnü osangbenertem den jembiba mapang ashi.

Khaleda-i ashiba agi, nüburtemi Bangladesh sorkari pei teinyaksütem asen linük dang tashi taitba aser tuluba tsüngdang miima meyteter ta ashir.

Lai India den defence tsütsü tenangzüktep ayuba dena ashishi.

Khaleda-i, Awami League sorkar dang political telok balala aser lokti aikati bendanger linük den defence tsütsü tenangzüktep

magitsü Hasina dang shiogo, ta ashi.

Khaleda-i aitsüba langzua Hasina-i, "Memoranda of understanding (MoUs) tem nung sign asü dang nüburtem nem memetdaksü, ta BNP leniri ashir, saka ni la dang tasüngdangba ka dang asü dangner :Lai tesüiba mapang China den defence tsütsü tenangzüktep nung sign sütep dang shiba dangsa asü dangner inyak ? Iba tenangzüktep nung kechi liasü ibaji shingai mangu," ta ashi.

"Khena nibo lai amai kecha memiimshi ati," ta Ganabhaban nung Awami League Working Committee senden ka amenba mapang ashi.

Hasina-i, item tenangzüktep nung sign masü dang cabinet nungi tama temelaba agitsü atema yuja liasü, ta ashiba osangbenertemi ashi.

India semdangi mao tsüngda item tenangzüktep indang Foreign Minister Abul Hassan

Mahmud Ali-i osangbenertem den senden ka amenba mapang jembiba aser Bangladesh aser India na külem sangdong ka nunga metetdaksüogo, ta Hasina-i ashi.

"Tenük junga lir sürnung mangurtem dang ni kechiang mashir," ta lai ashi.

India den item MoU tem sign sütepba ajanga Bangladesh kanga ajangzükogo, ta Ato Kiloner Hasina-i ashi.

"Asenoki India nungi light, diesel aser gas tebilemsü nung yaritsü asoshi LNG bener arutetsü," ta ashidang Hasina-i, India-i sen billion 4.5 aputsütsü shiogo, ta shisem.

Khaleda-i Teesta tzü atema tenangzüktep magiba atema Hasina aitsüba ajanga Hasina-i, "Khaleda Zia-a tesüiba mapang Ato Kiloner liasü, süra laia kechiba Teesta tzü bener marutet?" ta asü dang.

Hasina-i taoba hopta India semdangba mapang India den tenangzüktep 11 aser MoU 24 nung sign sütepogo.

Nepal aser China tan mezüngsüa lokteper military drill agitsü

Kathmandu, April 13 (Agencies) : China military nung ketdangseri tamalen khen ashiba ama Nepal aser China na tan mezüngbuba lokteper military exercise agitsü. Iba exercise ya April 16 nungi 25, 2017 tashi agitsü, ta Brihostibarnü Nepal Army-i ashi.

Taoba ita China Defence Minister aser State Councillor Chang Wanquan-i Nepal semdangba mapang UN den yimjung atema tesendaktep mapa inyaker, Nepal Army tem nem teyari sen million Yuan 300 agütsütsü metetdaksü.

Anogo 10 nü munga iba military exercise agiba mapang

lendongsüdong atalokdang kechi inyaksü aser kiralongrar koma nokdangtsü item dakji rangloker agitsü.

Nepal-i tesüiba mapangtem nunga iba mesükba military exercise ya India, US aser tawa UN peace-keeping operation mapang linük aika den lokteper agiogo.



Pyongyang, April 13, 2017 : Ryomyong street, Pyongyang nung nisung alitsü complex tasen ka lapoktsü dang North Korea lenir Kim Jong Un-i ribbon mejepdangba noksa nung angur April 13, 2017.

Office of the
NOKPU VILLAGE COUNCIL
Hq. Longjem. Dist. Mokochung, Nagaland

SANGDONGER

ABAM-i sangdongba 'Clean Election' yimyim onük nung Nokpu yim sangsamai nungittsü lemtet aser tarutsü nung election mapang Nokpu yim süngkum lapoka ayutsü lemtetba sangdonger.

PELABA LEMSATEPER

NSCN (GPRN), Dimapur UT-I nungi asen Aor sobaliba aser yimli wazüka ayutsü tangatetba tajung nung Nokpu yimden nungita yariba atema Nokpu yimdeni pelaba lemsateper.

<p>Sd- L. Yanger Walling, Chairman, Nokpu Village Council.</p>	<p>Sd- Sunep Lkr, Secretary, Nokpu Village Council.</p>
--	---

US nung mezüng Muslim tsür judge, Hudson süogo

New York, April 13 (Agencies) : New York, State nung okadak ajak dang tematiba nung associate judge aser US nung Muslim tsür rongnung mezüng judge, Sheila Abdus-Salaam tasü mang Hudson ayong nung angu, ta yimti ketdangsertemi ashi.

Bodhbar nikingdang New York Police Department Harbour Unit nung ketdangsertemi West 132nd Street, Upper Manhattan nung nisung tasü mang ka tzü nung pongdaka aliba agitet, ta osangkaket nung shia lir.

Arishi küm 65 tain, Judge Abdus-Salaam temangji tzüküm nung aliba sabang ka nung agiteta ayuba sülen mozü meteteremi la süogo ta osang tejangja metetdaksü.

Police temi la komaser iba ayong nung asü ar ibaji bushidangar aser tang tashi nung Abdus-Salaam mapang kobika kidang mali asü ibaji mejangjai lir.

La temang nung tashiyim mapa inyakba kuli kecha mongutet aser la süoshi shitak sobur liasü, ta police-i ashi.

Bushisü dangartemi la mang nung tashiyim mapa inyakba kecha meputet aser la



mangji la kinungboi jangjatsü, ta ketdangser kati ashi.

2013 küm nungi Judge Abdus-Salaam ya State Court of Appeals nung aliba judge 7 rongnung la liasü, ta osangbenertemi ashi.

Ibaji masü dang küm pezü tashi la State Supreme Court, First Appellate Division nung associate justice mapa inyaker aser Manhattan State Supreme Court justice nung küm 15 tashi inyaka liasü.

New York Law Department nunga la okatsür ka ama inyaka liasü.

Angh Andrew M. Cuomo-i, Judge Abdus-Salaam ya kecha agia manokshitsütetba ochi agi sünga aliba tetsür ka liasü, ta Bodhbarnü sangdong ka ajanga metetdaksü.

North Korea dak sarin mim amshitsü tashi lir:Japan PM

Tokyo, April 13 (Agencies) : North Korea-i menunui nuclear trokbuba den ano missile tanga kar tendangtsü akok ta mulung melemi bilema aliba mapang Japan Ato Kiloner Shinzo Abe-i, North Korea-i missile talak nung 'sarin' mim amshitsü parnok dak tashi lir, ta Brihostibarnü ashi.

Sarin mim tango yagi tezü nung timtem agütsür.

Parliament amendang senden ka nung Abe-i, "North Korea dak joko sarin mim missile lak nung inoker amshitsü asoshi tashi lir," ta ashi.

1995 küm Tokyo nung kanga dang mazüngi aliba train subway pungu tashi nung sarin nerve gas amshia amakdang nisung 12 tashi asü aser nisung million aika shirangdangtsü.

Korea peninsula nung tensa mejungi akümbaji Pyongyang-i

maneni nuclear aser missile tem tendangba ajanga lir. Iba inyakyim anema US-i tenokdangba agütsüogo aser mangara Navy yoka item tendangba nung timtem aludaktsütsüsa inyaksü metetdaksü.

Honibarnü North Korea linük akümer, Kim Il Sung sor küm 105 ajungba anogo lir. Iba anogo dang ya parnoki North Korea nung indang 'Anü Anogo' ta ajar. Tesüiba mapang lenirtemi iba anogo nung linük nung aliba raradang amshiba osettemsa tendang.

North Korea-i taküm küm tenzüker missile aikasa tendangogo, aser tesü sabuba tendangbaji parnoki anüdoklen tzüküm nung ballistic missile ka akhaba liasü. Parnoki tesü sabuba Nuclear tendangbaji yaküm September 9 nü liasü.

Office of the
YIMJENKIMONG OZUKUM UNION

P.O Tuli, Dist. Mokokchun Nagaland.

SANGDONGER

Tir Yimyim, adok 11/04/2017 nung Ao Senden-i P. Chuba Ozukum jendoker ta agüja alibaji tim masüba maparen inyakogo ta Yimjenkimong Ozukumer Kidong Telongjem ajanga sangdonger. Ozü kidong tajung Mr. P. Chuba Ozukum Naga Hoho President, ozü Yimjenkimong Putu Menden-i memeteti jendokba ya asen Aor sobaliba dak maliba mapa lir. Anungji Tir Yimyim, Adok 11/04/2017 nung Ao Senso nungi jendoker ta osang kaketterem nung acting President/Secretary Ao Senden-i sangdongbaji tim masü ta Yimjenkimong Ozukumer Kidong Telongjem-i angateter. Osang kaketterem anogo 12/04/2017 nung Yimjenkimong Rionsanger Putu menden ajanga züluba nung semloka Yimjenkimong Ozukumer Kidong Telongjem-i akangkanga nungiter ta sangdonger.

Sd/-
Meyionen Ozukum
Secretary,
Yimjenkimong Ozukum Union

Sd/-
I. Akaba Ozukum
President,
Yimjenkimong Ozukum Union

KÜM 80 AJUNGBA TEPELA ANOGO

14.02.1937



I. S. Nuklula (Asangma)

Oja, tanü na asoba anogo amongdang onoki Tsüngrem tenüng sanga sarasadema amonger. Makamait tongpang den raradang nü sarasadem nüktzü ajanga Tsüngrem takokba nung anir aruogo. Onok asoshi nü takümüji tatishitsü aser akümdong tajung ta züngshir.

Ojala ano küm aika arishia moajang ta onoki sarasademtsür.

- **Temeim Jabaso, Anükapang,**
Semchir aser Kinungertem.

GOVERNMENT OF NAGALAND
DIRECTORATE OF WOMEN RESOURCE DEVELOPMENT

NO.DWRD/WW/IDRC-1/2009

Dated Kohima, the 13th April, 2017

ADVERTISEMENT FOR FREE TRAINING

Applications are invited from female candidates in and around Dimapur area who wish to avail a 45-day free training programme in the trade of Soft Doll Making at the Integrated Development-cum-Resource Centre (IDRC), Purana Bazaar, Dimapur, near Treasuries & Accounts Training Institute, Dimapur.

Seat Capacity : 5, Eligibility : * 18 to 40 years of age (Original birth certificate should be produced at the time of Interview)

Job Opportunity : Candidates who successfully complete the training programme with 90% aggregate marks shall be inducted as apprentice under PreciousMeLove.

The following shall NOT be provided for the programme : *TA/DA * Stipend * Hostel Facility Applications should be addressed to the Director, Women Resource Development Department and should be submitted, along with 2 recent passport photographs and self attested photocopy of the Birth Certificate to Smt. Zuboni Humtsoe, Training i/c at the IDRC latest by 21st April, 2017.

Interview will be held on 24th April, 2017 at 11:00 am at the IDRC premises.

Issued by: DIPR

Sd/-
Director

Community Education Centre High School

Nagarjan Dimapur

Post Vacant

Post

Qualification

Headmaster (preferably male)

M.A/ B.Ed

- With a minimum of 3 years experience in Teaching / Administration
- The candidate should be between the ages of 35-40 as of 1st April 2017
- Salary negotiable
- Bio-data of the candidates to be submitted on or before 31st April 2017

Contact no: 03862-232747 / 8794640910

Email: cecsociety@yahoo.com

OFFICE OF THE ANGAMI GAZETTED OFFICERS KROTHO
APO BUILDING, KOHIMA, NAGALAND

Dated Kohima, the 11th April 2017

The Angami Gazetted Officers Krotho (AGOK) congratulates Mr. Atu Zumvu, SDPO Kohima for being conferred the prestigious Shaurya Chakra by the President of India. The Krotho congratulates Atu Zumvu, NPS, who is currently serving as the SDPO Kohima for receiving the coveted gallantry award Shaurya Chakra from the First Citizen of the country, the President of India, Shri Pranab Mukherjee on 6th April, 2017 in New Delhi.

The AGOK lauds him for being an Officer who has been responsive towards the call of duties in good and bad times, thereby earning the reputation as a 'performer' or 'deliverer' wherever he is posted. The Krotho also lauds him for his exemplary courage and committed services rendered towards his profession.

The Krotho conveys its congratulations over his earlier awards such as US special agent medal (2013), India Cyber Cop award (2011), Governor's Gold Medal (2009) and Governor's Commendation Certificate (2005) for discharging his duties proactively and vigilantly.

While the Krotho is happy on his achievements till date, it is also hoped that he will continue to maintain the same spirit of commitment to duty and work with renewed vigour so as to bring more laurels to the Krotho in particular and the state in general. The AGOK also extends its gratitude to all the officers and dignitaries at the state and national level for recognizing his immense contributions and recommending his name for the honour.

Dr. Kedozeo Punyü
President, AGOK

General Secretary
Megoihu Dolie

OFFICE OF THE UNGMA SENSO TELONGJEM
DIMAPUR : NAGALAND

SARASADEM AGITSÜ SANGDONGER

Dimapur telongtet nung aliba asen Ungma nunger aser anükapang ajungai Tsüngrem nem tenüngsang agütsüba den khuret balala asoshi sarasademtsü sentong tajung ka renema lir, anungji sensosanger ajak iba sentong nung arua temoatsü aser taneptsü tulu angutsü asoshi ajaki arua shilem tajung agitsü mepishir.

SENTONG :

1. Anogo : 16-04-2017
2. Mapang : 1:00 P.M. (Ka ako nungi)
3. Tesentepdak : Christina Memorial Higher Secondary School, Aoyimti Dimapur.

Sd/-

Talizenba Jamir
Fellowship Secretary (USTD),
Dimapur

Sd/-

M.Lipoak Jamir
President (USTD), Dimapur

GOVERNMENT OF NAGALAND
NAGALAND STATE RURAL LIVELIHOODS MISSION
NAGALAND: KOHIMA

NO.NSRLM/SMMU/ADVT/2012-13

Dated Kohima, the 13th April 2017

ADVERTISEMENT

Sl.No	Position	No. Of Post	Eligibility	Mode of Recruitment	Remuneration
1	Assistant District Program Manager (ADPM)	8 Posts - Kiphire, Kohima, Longleng, Mokokchung, Mon, Phek, Wokha and Zunheboto Districts	PG in Social Work/Rural Development with 5 years experience in the field of development, with atleast 3 years in a Managerial position Qualified internal candidates may also apply.	Resume screening and personal interview	Rs. 35,000/- Month
2	Area Coordinators (AC)	33 Posts - 2 each for Dimapur and Kohima Districts - 3 each for Kiphire, Longleng, Mon, Phek, and Zunheboto Districts - 7 each for Mokokchung and Wokha Districts	MSW/BSW OR MA/BA Preferably with 1 year experience in the field of social work	Resume screening and personal interview	Rs. 20,000/- Month
3	Data Entry Operator (DEO)	9 Posts - Niuland, Sitimi, Chiephobozou, Sakshi, Chuchuyimlang, Kubolong, Tobu, Phek, Sanis, Champang and Tokiye Blocks	BCA /B. Com OR B.Sc/BA with Diploma in Computer Application	Resume screening, Practical and personal interview	Rs. 18,000/- Month

The contract will be initially for 2 years and may be extended based on performance. Preference will be given to those indigenous inhabitants/permanent residents of the Districts/Blocks.

Note: Candidates fulfilling the criteria may email their CV to hrnsrlm@gmail.com latest by 25th April 2017. Resume will be accepted only through email and only shortlisted candidates will be intimated via email for personal interview.

Sd/-
ATHEL O. LOTHIA

Addl. Secretary, RD & Mission Director, NSRLM, Nagaland: Kohima

Issued by: DIPR

SANGDONGER



Nübur an metsünürtemi broiler an techanu temesüngba aser Koiler an techanuba 17th April, 2017 anepdang 8:00 ako nungi dokan koba Mokokchung Hospital Road Police Point anasa ali, yangji angutsü. Tamapur tama asütsü.

Tongtepratepdak:
9856504928 /
9856770034.

3buba MPL, 2017; All Blacks aser Morning Football na 7-7 agi draw asü



Dimapur, April 13 (TYO) : Tang tasayadak 3buba MPL, 2017 asayamung nung asaya ka nung tanü All Blacks aser Morning Football Club na asayaba repranger manennütsüka asayaogo.

Telok anaprung nungi jangratemtsü goal tem yokba aser kanga toktepa asayaba ajanga tereprangtem kanga jangratema repringdaksü. Team anaprongi goal tenetnet (7 each) yoka iba asaya draw nung

tembang. Morning Football Club nung Dikwa-i asaya tenzüker minute 2buba nung mezüing goal yok aser ano paisa minute 51buba nunga goal ka yok. Kasa team nungi Akhavi-i minute 10buba nung goal tanabuba aser minute 69buba nunga goal ka ta yok. Ano Bokato-ia minute 23buba nung ka aser Tseibu-i 29buba aser 89bubatem nung goal kaka yok.

All Blacks telok nung

Vashupra-i Hat-trick ka yanglu. Pai minute 32, 33 aser 42 tem nung goal kaka yoka iba Hat-Trick yanglu. Par telok nungisa Renbemo-a Hat-trick ka yanglu aser pai asaya tenzüker minute 38, 81 aser 91 tem nung item goal ji yok. Tena den külemi Azo-ia minute 40buba nung goal ka yok.

Honibarnü asaya yamai alitsü:
Silver White vs Power Comm
Tesem - Kohima Local Ground
Mapang - anepdang 06:00 ako

China nung Rossoneri Sport Investment Lux-i AC Milan alizükogo

Milan, April 13 (Agencies): Serise Anung club tulu AC Milan ya Rossoneri Sports Investment Lux-i Brehostibar anogo nung alizükogo.

European Champion 7ben kokdanga aliba Italy nunger club, AC Milan ya taoba mapang Italy Ato Kilonser asemben tashi inyakdanga alisang, Silvio Berlusconi-i 1986 küm alizüka liasü.

Iba club ya Rossoneri Sport Investment Lux-i sen million \$786 agi alizük. Italy nung club temaba jenjang nung aliba China



nungeri alizükba rongnung AC Milan ya tanabuba lir. Inter Milan ya China nungeri alizüka lir.

China nung Suning telok ya

shishilembar tetsüdi Zhang Jindong meyong lir aser par teloki 2016 küm June ita nung Inter Milan ya Indonesia nunger Erick Thohir ket nungi alizük.

Singapore Super Series: PV Sindhu, Sai Praneeth Quarter-Final-i iogo

Singapore, April 13 (Agencies): India nunger badminton asayar P V Sindhu aser B Sai Praneeth na Singapore Super Series asayamung nung quarterfinal-i iogo. Iba asayamung nung takok angur nem senpet USD 350,000 angutsü.

Rio Olympic nung silver medal angula Sindhu shibai iba ita tetenzük nunga India Open koka liasü, lai Indonesia tsür World No. 27 Fitriani Fitriani ghonda ka agia 19-21 21-17 21-

8 agi kokogo. Iba asaya Singapore Indoor Stadium nung asayaa liasü.

Quarterfinal nung Sindhu Chia Hsin Lee aser Carolina Marin na asayaba sülen takoker den asayatsü.

Kasa asayamung teburtem asaya nung Praneeth-i 21-15 21-23 21-16 agi China nunger asayar Qiao Bin madak takok ngua liasü. Tena asaya ghonda ka ser minute 12 asayaa liasü.

World No. 30 India nunger asayar Praneeth taruba asaya

Thailand nunger asayar Tanongsak Saensomboonsuk den asayatsü jangjaogo.

Tarep temeyoktep asaya nung B Sumeeth Reddy aser Ashwini Ponnappa nati Korea nunger Jae Hwan Kim aser Lee So Hee na nadak 17-21 21-17 21-16 agi koka quarterfinal-i iogo

Reddy aser Ashwini na taruba asaya China nunger temeyoktep tarep asayar Lu Kai aser Huang Yaqiong na den asayatsü.

Lower Bayavü Giants & Zienubadze High Flyers na final asayatsü



Lower Bayavü Giants nungi Imomenba (abelen) aser Zienubadze High Flyers nungi Aso nati man of the match sempet agizükba noksa nung angur.

Kohima, April 13 (TUO): Tang Angami-I T20 asayamung final tasayadak 4buba 10 Northern asaya nung Lower Bayavü Giants

aser Zienubadze High Flyers na asayatsü.

Iba asayamung ya Brotherhood Group-i "Bat for Unity" omen nung ajemdaker KVC Ground, Ziekezou Kohima Yimtak ayonga asayadangsürba lir.

Final asayaji April 15, 2017 anepdang 11:30 ako nungi SDO (Sadar) Kohima, Kethosituo Sekhose tetushi tejaoker süa tenzüka asayatsü.

Semi Final asaya tanabuba nung Zienubade High Flyers-i wicket 3 agi Middle Bayavü Lions madak takok ngua final jenjang tongtet.

vivo APRIL 14 & 15, 2017 ASAYA
April 14 - Bangalore VS Mumbai - 4:00 PM
April 14 - Gujarat VS Rising Pune - 8:00 PM
April 15 - Kolkata VS Hyderabad - 4:00 PM
April 15 - Delhi VS Punjab - 8:00 PM

IPL 2017

APRIL 13, 2017 ASAYA OSANG
Kolkata-i wickets 8 agi Punjab akok.

Champions League: Real-i 2-1 agi Bayern akok

Berlin, April 13 (Agencies) : UEFA Champions League quarter-final mezüingbuba asaya nung Real Madrid nungi Cristiano Ronaldo-i goal ana yokba ajanga par teloki 2-1 agi Bayern Munich telok madak takok angu.

Mezüing goal bo Bayern Munich-i yok ajüsüka parnoki iba dak tali meyokteti lia asaya tanabuba tesadang nung Ronaldo goal ana yoka iba takok angu, ta osangbenertemi ashi.

Asaya tenzüker minute 7buba nung Bayern Munich nungi Thiago Alcantara-i corner ka metsüba ball Arturo Vidal-i tekolak agi goal tongoktsüba sülen parnoki kanga teimla nung asaya.

Asaya tesadang matongdangsa parnoki ano goal ka yoksemer lila, ajüsüka Arturo Vidal-i handball penalty ka metsü dang gaol meyoktetba ajanga iba maongka magitettsüka aküm.

Anungji asaya tanabuba tesadang tenzüker minute anabuba nung Real Madrid nungi Daniel Carvajal-i ball ka agütsüba Cristiano Ronaldo-i par telok asoshi mezüing goal yok. Telok ana tsüingda 1-1 lia

aser asaya minute 61 anünga lia tia makai Bayern Munich telok nungi Javi Martinez tanabuba yellow card achiba agi asaya toktür tugutsüsa aküm. Anungji par telok nungi asayar 10 dang akümba sülen team tashi mait aküm.

Asaya minute 77buba nung ano Ronaldo-isa Real atema goal ka yoksem aser iba goal ji ajanga UEFA asaya nung mezüing goal 100 yoker Ronaldo kümogo.

Real-i goal iba dang nungi timba yoker lila, ajüsüka asaya tatemtsü anasa Bayern goalkeeper Neuer-i Ronaldo aser Benzema nati metsüba ball kanga junga nokdangba ajanga 2-1 nungang tembang.

Iba takok ajanga Real Madrid tan agi semi final 7buba-i atonga atur aser Bayern-i par moapu nung 16 ben takok angutsü aliba amajok kümdaksü.

"Onoki mezüing tesadang kanga junga asayaogo. Asaya mezüing tesadang nung junga asayaba agi onok temulung uludaksü. Tanabuba tesadangbo asadangtsü tera tasak aser onoki iba tamakok agizüker," ta Bayern coach Carlo Ancelotti-i ashi.

EVERYONE FEELS THE PAIN!

Oajm
CONTINENT
FAST RELIEF FROM PAIN

A Product of LIVSAV Group
CUSTOMER CARE- 0250-6580183

BILEMDANGANG
"Alima nung tebilemstü ajakji nü tebilemstütem masü."